



Terenga 3: Hōtaka 23 - Whakataurite 2

He Mihi

Kei ngā manu pīkoko ki te reo Māori, nau mai ki te rongohua whakamarumarū o Ako. Ki konei tau ai ngā waewae me kore e kitea he hua hei timotimo māu e nā ai te puku.

Hei Mahi Whakarongo

Kia tahuri te aro ki te whakarongo ki ngā kōrero a Mauriora Kingi nō roto o Te Arawa e pā ana ki ētehi o ana koroua. Anei ngā pātai hei whakautu mā koutou:

- 1) Kua āta tuhia ki te pukapuka ngā kōrero a wai?
- 2) Me pēhea e ora ai ērā kōrero?
- 3) He aha rā te āhuetanga kua ngaro?

He Whakamārama

I kaha whakamahia e Mauriora tētehi rerenga kōrero hei whakataurite i ngā koroua o nāiane ki ngā koroua kua huri ki tua o te ārai. Ko te kupu i whakamahia ai e ia, ko te kupu 'pērā'. Ina whakamahi koe i te kupu 'pērā' me ana whanaunga, a 'pēnei' me 'pēnā', hei whakataurite, ko te pū ka whai atu, ko te 'i', ko te 'me' rānei.

He wā anō ka whai mai te pū 'ki' i ngā kupu nei, engari ehara tērā whakamahinga i te rerenga whakataurite. Tirohia ēnei taurira:

1. He pai au ki ngā kai pēnei i tēnei. *I like food like this.*
2. He pai ngā kai pēnei ki taku pāpā. *Food like this is good, to my Dad.*
3. E kai ana ia pēnei me te manu. *She's eating like a bird.*

Hei Mahi

Whakapākehātia ngā rerenga e whai ake nei:

1. Kāore anō au kia kite i tētehi whare pēnā i tēnā.
2. Kua tae atu koe ki tētehi wharekai pēnei i tēnei?
3. He reka rawa atu ngā kai pērā, ki a au.
4. I rongu koe i a Rore e ngongoro ana pēnei me te arewhana?
5. Kua e ūmere pērā ki ngā tamariki.
6. Kātahi anō te whānau ka rongu i tētehi reo pērā i tō rātou.

Whakautua tēnei pātai:

7. Ko ēwhea ngā rerenga whakataurite o ngā rerenga 1-6 o runga ake nei?

He Whakautu:

1. I haven't seen a house like that.
 2. Have you been to a restaurant like this?
 3. That kind of food is really yummy, in my opinion.
 4. Did you hear Rore snoring like an elephant?
 5. Don't yell like that at the children.
 6. The family has only just heard a language like theirs.
7. 1, 2, 4, 6